

tels penitances sont moult horribles et moult dures. Car quanque souffrissent onques li saint martir ne fames qui travaillent d'enfant des doleurs, n'est que uns bains en yau froide au regart de y celle fournaise ou ardent les ames tant que elles soient purgées, aussi comme l'or que l'en affine en feu ou l'en ne trueve en l'ame de roil de fait, ce dit, de pensee qui acourt a pechié veniel que nous appelons nue, que nous faisons souvent, et menu foles pensees, paroles oiseuses, moqueries, truffes, et toutes autres varatez; tant que en l'ame n'ait que espurgier, et que elle soit digne de entrer ou ciel, ou riens n'entre se il n'est trop fins et clers. Cestui feu redoutent cil et celles qui a leur povoir se gardent de pechié mortel, et gardent netement leurs cuers et leurs bouches et leurs ames et les cinq sens, et heent tout pechié. Et ainsi vivent comme se il deussent chacun jour venir au jugement devant Dieu, et pour ce que nus ne peut vivre sanz pechié (car si comme dit Salmon, sept foiz le jour i chiet li justes), pour ce par sainte confession, par lermes et par oroisons, il metent poine d'euls laver et relever et amender et d'eulz a juger, que il atendent seurement le derrenier jugement. Car qui se jugera a vraiment, il n'aura garde d'estre dampnez au jour du juise. Et ainsi aprent l'en mal a cognoistre et a foir et a tout pechié hair, grant et petit, et concoit l'en la sainte paour de Dieu, qui est li commencemens de bien vivre et de bonne vie, et suit tous biens.

Mes n'est pas aisiez lesser les maulz se l'en n'a aprins a bien faire, et l'en n'aquieret les vertuz, sanz les quelles nulz ne vit bien ne a droit. D'onques se tu veus bien apprendre a vivre selonc vertu, apren ainsi con ge t'ai dit a mourir. Dessevre ton esperit de ton coirs. Par pensee et par desirer es hors de cest monde en morat et va en la terre des vivans, ou nus ne muert ne n'en veillist, c'est en paradis.

La aprent l'en a bien vivre et senz et courtoisie, car la ne puet
entrer nulle vilainnie. La est la gloriuse compaignie de Dieu, des
anges, des sains. La surabondent tuit li bien, biauté, bonte, richece,
et gloire, vertu amour, et joie pardurable. La n'a point de barat.
La n'a point d'ipocrisie, ne de losengerie, ne de discorde, ne d'envie,
ne fain, ne soi, ne froit, ne chaut, ne nul mal, ne doleur, ne parour
d'anemis; mes tous jours feste, et noces royaus, chancons, et joies
sanz fin. Celle joie est si grant que qui en auroit taste une goute
toute seule de la plus petite joie qui la est, il seroit si enivrez
de l'amour d Dieu que toute la joie de cest siecle il seroit peurs et
tormens; richece, fieus, et celle tres grant amour et li grans desireirs
que il auroit de l'avenir li feroit mile et cinq tans plus hair pechié
et amer vertu que toute la peour d'enfer, donc j'ai dit dessus. Car
amour est plus fort que paour, et lors est a bien morir et a bonne vie
mener, mes dois savoir que le commencement de bonne vie a querre et
vertu, si que home connoise non pas tant seulement qu'est pechié et
qu'est aumosne, mes que l'en sache bien a certes cognoistre et jugier
qu'est mal et qu'es bien. Car chose que l'en ne cognoist n'est haie
ne de sierre, et pour ce dois tu savoir, selonc ce que les escriptures
dient, que il sont uns petit biens et uns moiens et grans et vrais qui
seulement sont bien a droit, dont tour le monde est deceus. Car il donnent
les grans biens pour les petit et pour les moiens. Car cest monde est
ausi come une foire ou il a moult de marcheans fous qui achotent verres
pour saphirs, vessies pour lanternes. Mes cil est a droit bons marchans
qui de chacune chose cognoist sa propre nature et sa vertu. Ce nous
tesmoigne li Sains Esperis et nous mestres; cils nous aprent a cognoistre
les grans chouses de petites; les precieuses des villes; les douces des

ameres.

Des Petis Biens

J'appel les petiz biens temporeux de fortune que dame Fortune a toute sa roue jour toust et donne et tourne cel dessus dessouz. Ce sont les pierres de voire que les musars chatent pour saphurs ou pour esmeraudes. Ce sont comme joleez a enfanz, que Diex nous donne pour solacier et pour nostre amour amere a soy, pource que il scet bien que nous sommes febles et tendres, et tenir ne poons les apres voies de penitances, d'engoisse, et de martire si comme font les bons chevalliers Dieu qui le regne Dieu prennent a force et conquierent par leur proeices. Donc ne sont pas grans biens ne biens a droit, les biens de cest monde; car se ce sont vrais biens a droit, donc fu fol Jhusucrist, qui elut povrete et honte et asprece et refusa joie, honeur, et richece. Se sont vrais biens a droit, donc ne sont pas les vrais biens¹⁷ ou ciel; donc n'est pas Dieu parfeittement beneurez, qui de tiex biens use; donc est Dieu delous et desmesurez, qui ses biens toult a ses amis et les donne a ses anemis plus largement. Se ce sont vrais biens, donc furent fols touz les sainz, les saiges clerz, et les granz philosophes qui ses biens foioient et despisoient comme fieus. Se ce sont vrai bien a droit, donc ment nostre sires et la sainte escripture qui l'appelle menconges, ombres, songes, et vanité, roys et liatis et las au deable. par quoy il decoit les ames et prent et lie et tient en mile manieres. Mes les saiges marcheans se sont les preudommes que li Sains Esperiz enlumine par vraie connoissance, qui sevent que chacune chose vaut. Il voient bien et entendent que tout le monde n'est pas un bon morcel pour cuer d'omme saouler et que moult y a de mal et pou de bien, et pour ce que il regardent les perilz et

¹⁷ Ms. repeats "a droit donc ne sont pas le vrais biens".

les maux qui y sont et sevent que c'est voir comme Patenoustre ce que l'en seit dire qui ne donne que ne prent. Il font a Dieu une paumee. Car il donnent le monde pour le ciel, nient¹⁸ pour tout, boe pour or, et lessent pour Dieu tout richeces, delices, et devient povres pour gaignier et pour le ciel conquerre. C'est la plus belle vie et la plus seure qui soit en tout le monde. Les autres sont qui voient que en moult de manieres puet l'en son preu faire des biens temporeunt qui les pourroit avoir. Car Dieu ne commande pas tout a lessier, mes en retiegnent et petit les prisen; il en usent mes petit les aiment; comme fust saint Abreham, Job, David, et moult d'autres, les perilz eschivent et leur preu font des biens que Dieu leur apreste. Il en scevent le ciel acheter et leur proimes aider. Il en scevent Dieu plus amer et mercier et ennourer et cresbre et redouter pour les granz perilz ou il sont, et euls meimes pour humilier quant il voient leur fleblete et leur povreté avoir, et leur defautes quant l'estroite voie n'osent aler quant si petit velent pour Dieu souffrir et endurer qui tant souffri et fu lasse pour eul ceulz de sauvent mes fort y a, car plus legiere chose est a lesser touz les biens du monde a un cop pour Dieu que retenir et nient amer.

Des Moiens Biens de Nature

Les moiens biens de nature sont les biens de nature, comme biaute, proece, force, vistoire, debonnerete, clers sens, engin, memoire pour bien retenir, et touz les biens que nature aporte; et de doctrine, comme grant clergie, et touz autres biens que l'en aquiert ou par estude ou par bonne acostumance, comme sont bonnes

18 Ms. "vent".

meurs et autre vertuz; mes ce ne sont pas encores vrais biens a droit ernant. Il ne font celui qui les ha parfaitement bon, car moult des bons philosophes et de grans clerz et d'empereuers et de roys qui moult orent de grans biens sont dampnez en enfer, et apres les donne nostre sire a ses anemis aus sarazins et aus euffans crestiens ausi comme aus bons. Apres n'est pas vrais biens qui faut et que l'en peut perdre maugre sien et se letre ne peut tolir, ne robeurs embler toutes voies en la fin les tout la mort par force. Apres vray bien aide toujours et n'enuit onques mes certes tiex biens et telles graciees foraines font souvent domage et enuisent a ceulz qui les ont, se il n'en usent bien quant il s'en ventent, ou il s'en et gueillissent et les autres en despisen. Car cil a qui Dieu donne ces graices et ces biens que j'ai nommez pour Dieu servir et pour son priemes aider, se il n'en use loyaument, il eu sera en plus grant torment et estroitement il convendra compter et rendre reson au jour du jugement que il a fait ou que il a gaaingnie des biens que Diex li a baillie pour monteplier.

Du Vrai Bien

Ore t'ai je briement moustre quels sont les biens petis et les moiens. Ore te vueil je moustrar quel est le vrai bien. Cest vrai bien qui fait celui qui l'a bon et sauf, que nuls ne fu onques bon a droit. Ce bien l'en appelle la grace de Dieu et vertu, et charite. Grace pour ce qu'elle donne vie et sante a l'ame, aussi est l'ame sanz la grace de Dieu. Il est appelle vertu pour ce que il aourne l'ame de bonnes oevres. Il est appelle charite pour ce que il joint l'ame a Dieu et le fait aussi comme tout un avec Dieu. Car charite n'est autre chose que chiere mute. C'est la fin et la perfection. C'est la boneurete a qui nous devons tendre. Moult furent deceuz ces

anciens philosophes qui tant crueusement desputerent et enquistrent
 quels estoit le souverain en ceste vie, ne onques trouver ne le parent.
 Car les uns les queroient en delis de cors, les autres en richeces, les
 autres en honeste vie. Mes le grant philosophe saint Pol, qui fu ravi
 jusques au tiers ciel, passe tous les autres philosophes, qui nous
 prueve par moult de resonz que souverain bien de ceste vie est la
 royne des vertus, c'est dame Charite. Car sanz ceste, ce dit, ne
 vaut riens nul autre bien. Et qui cestui a il a tous les autres. Et
 quant tous les autres biens faudront, cestui ne faufra ja. Et dessus
 tous les grans biens ceste est la dame. Dont est ce le plus grant bien
 qui soit souz ciel. Et pour ce que tu vueilles cel bien, qui a droit
 est appelle vertu, plus amer te vueil je encore sa value moustrer.
 Car l'en seit deviser trois manieres de bien; bien honnourable, bien
 delitable, et bien profitable; ne plus n'est de biens ne vrais ne mains
 que ces trois manieres. Et ce vois tu apertement es biens du monde
 que nul ne desierre ne n'aime chose nulle se il cuide que elle il
 soit ennorabile ou delitable ou profitable. Li orgueilleux quiert
 chose honorable; li couvoiteur, chose profitable; li delicieus, chose
 delitable; et quant que ces quierent vainement est en vertu vraiment,
 car vertu est chose moult ennorabile, delitable, et profitable. Que
 vertu soit bien honnourable ce pues tu veoir en tele maniere.

Des Sis Fontenes de Vaine Gloire

Sis choses sont en cest monde mout desirees pour ce que il
 semble que elles soient honorables; biaute, sens, proece, pooir,
 franchise, et noblesce. Ce sont sis fontaines de vainite. Donc
 vaine gloire sort a plente.

Biauté est chose¹⁹ moult amee. Car c'est chose moult honorable et ne pourquant biauté que l'œil du cors voit et ainme est chose courte et fausse et vaine, car cil n'est bel ne cel bele. Mes ces yex sont floibles, et ne voient que la pel dehors. Donc qui auroit la reue com a li luis et qui voit parmi le cuer tout outre et verroit apertement que nule biauté n'est que sac plain de fiens puant, et aussi comme envegeiez. Après ceste biauté est courte, car test faut eflestrit comme la fleur du champ. Car tantost comme l'ame s'en depart, li cors pert toute sa biauté. Donc toute la biauté que li cors a l'ame li donne. Pour ce est fous qui de biauté de cors se glorefie. Mes la biauté de l'ame est biautés a droit, que tous jours croist et ne faudra ja. C'est la vraie biauté par quoy l'ame plest a Dieu et aus anges, qui voient le cuer. Ceste biauté rent et donne a l'ame vertu et amour de Dieu, car ele la reforme et rapareille, et li rent sa droite e emprainte. C'est l'image du creatour, qui est bele sans comparaison, et qui miex li ressemble plus est bele. Donc la plus bele chose qui soit sous Dieu est ame qui parfaiterant sa droite forme et sa droite clarté couleur de fleur, clarté de soleil, figure d'omme, plesances de pierres precieuses. Et quanque les oilz du cors voient de bel est vilté et ledure. Et quanque l'en puet Dieu penser de bel au regart de li, ne se puet a lui comparer.

Du Senz de l'Ame

Sens et clergies est chose moult ennoree, mes se tu vels a droit estre sage et haute clarté apprendre, fay que tu aies le vray bien. C'est graice et vertu. Car c'est la vraie sapience qui enlumine le cuer de homme aussi comme fet le soleil la clarté de la lune.

19 Ms. "est chose est".

Car le sens de cest monde n'est que folie, comme dit l'escripture,
 et fausse forsenerie, folie en ceus qui le monde ainment et sa biauté,
 qui ne svent connoistre le jour de la nuit ne juger entre grant et petit,
 entre precieus et vil. Il cuident de la biauté que ce soit le soleil.
 Car il cuident de l'onneur du monde que ce soit vraie gloire, d'une
 pomete une montaigne. Car il cuident du monde que ce soit moult
 grant chose, qui au regart du ciel n'est que une pomete. Il cuident
 du voirre que ce soit un saphir. Il cuident que leur povoir et leur force
 soit moult grant, qui plus est foible, et fraille que un voirre. Après
 c'est enfance que le senz du monde met en ceuls qui son sages du
 cors garder, et aaisier et deliter qui oient comme enfant, qui ne
 quierent que leur volenté faire. En tels gens est reson morte, et
 pour ce vivent li comme bestes, car leur senz est tout bestourné et
 corrumpus, aussi comme le goust du malade ou de fame graosse, qui
 trueve plus de saveur en une aigre pome que en pain de froument, et
 l'enfant en un charbon que en bonnes viandes. Aussi teles gems ne
 pueent croire que il ait plus de joie et de delit en Dieu servir et
 amer que faire la volenté de leur charoingne, car il ne sevent jugier
 entre le dous et l'amer. Après ce senz est forsenerie en ceus qui
 tant sont soutils en malice trouver et en autrui grever et decevoir,
 ou par plet ou par force ou par barat; que il ne s'estudient fors en
 euls avancier et autrui grever. Cils senz, si comme dit saint Jaques,
 est le sens au deable qui tous jours se paine d'autrui damagier.
 Mes li vrais sens que li Sains Esperiz enseigne aus amis Dieu est
 en connoistre sanz mesprendre que chascune chose valt. Il moustre
 que li mondes est vains et est nuls en valeur, amer en faveur, car
 la gloire du monde est vaine; les richeces, viles; les delis, amers.
 Après il donne sentir que l'amour de Dieu et vertu sont choses vraies

precieuses et douces; vraies, car elles emplissent le cuer et norrisent et souscrivent; precieuses, car l'en en puet Dieu et quanque il a acheter; douces, car c'est la manne qui toutes choses fet douces; labour, douleur, lermes, pleur, hontes martires et doleces, et quanque l'en puet penser, fet estre dous et savoreus. Et ce est le sens et la sapience d'ou n'est vraie gloire.

De Vraie Proece

Apres vertu et charite donne vraie proece. Donc il n'est proesce a droit, fors es chaevaliers Dieu, que li Sainz Esperiz adoube et arme et vertu et de charite. En proece a trois parties: hardiece, force, et fermete; et nuls n'est a droit prinz qui ces trois choses n'a, qui trois n'est hardis et vrais aus grans choses, en prendre fort et puissant, a poursuire ferme et estables au par fenir. Mes sans sens et sans pourveance ne valent riens nule de ces trois choses. Car comme si dit li livres de l'art de chevallerie, en autres quereles quant l'en mesprend, couvient que soit trouve l'amendement, mes erreur en bataille ne puet estre amende, car ele est tanttost compreree. Fole emprinse est fele, ou il a petit de preu et molt de coust et de peril et de poines. Teles sont les emprinaes a ceus que l'en apele preuz et hardiz au sieole, qui cors et ame et avoir mettent em pechié, en peril, et en poine pour un petit de bos conquerre, qui moult est vain et petit dure. Mes vertu fet l'omme de grant cuer et de sage emprinse quant ele sent que il qui n'est fors si hardi qu'il ose emprendre le royaume du ciel a conquerre et tous les deables qui tant sont forz a veincre. Cest emprinse est bonne et sage, car il y a pou de peril et de poine, mes il i a gloire et honeur sanz mesure. Qui n'a vertu n'a pas grant cuer, ne cil qu'il n'a peor de veoir n'aient. Tels sont cil qui tant creiment les mals et les aversitez du monde, et

qui sont peor de prendre ce qui il ne pueent longuement venuir; non pas grant cuer qui les donne pour noient comme font ceulz qui donnent leurs cuers a amer les biens de fortune, qui en verite ne sont neent au regart des vrais biens de gloire; dont tele gent sont aussi comme l'enfant qui plus aimme un miroer que un royaume, une pomete que tout son heritage. Mes vertu donne a droit grant cuer, car vertu fait le ciel conquerre, le monde despire, grant fes de penitance porter, et tous les maus du monde seur poter, et lieement souffrir et pour Dieu endurer, et a tous les assaus au deable contrester, si comme dit li sages Seneques. Neent plus n'ont pooir contre vertu, gretés, meschances, doleurs; ne quanque fortune peut menacier, ne fere que toutes ont goutes des pluie en la mer. Vertu fait home hardi comme lyon, fort comme elifant, ferme et durable comme le soleil qui tous jours court et n'est onques las. Dont il n'est proesce fors que vertu.

De Vraie Seignourie

Aussi n'est il vraie seignourie fors en vertu. Grant seigneur est cil a qui tous li mondes sert. Tele seignourie donne a home grace et vertu, car elle met l'omme espirituelment en son droit estat, ou il fu fait premierement. Li homs fu fait en tele honneur et en tele seignourie que il estoit sires de toutes creatures qui souz le ciel estoient, a qui toutes choses obeissent, et a qui riens ne povoit nuire. Et c'est le droit estat a home et sa seignourie, Mes ceste seignourie perdi il par pechié, ne recouvrer ne la puet fors par vertu. Mes vertu lieve l'omme en haut et li met le monde souz pié et le fait converser ou ciel. Vertu fait l'ome plus a droit seigneur du monde que li roys n'est de son royaume, car des biens du monde il a tant comme son cuer desire. Il y a son usage et sa contenance,

et tant comme il en veut avoir plus souffisument que n'a li roys
 quanques ont les bons et les mauves. Tout est sien, car de tout loe
 Dieu et mercie; et l'en aime plus et craint et sert a ce que il voit
 et cognoist, que toute creature est faite pour lui servir. Aprés
 il y a un autre empyre bel et grant, sanz le quel nuls n'est a droit
 sires, car il est empereres de soi meisme. C'est de son cors et
 de son cuer que il justice et tient en bone pais et dont il fait sa
 volente. Car son cuer est si joint a la volenté de Dieu que quanque
 il dit et fait tout il est bel, et par ce a il tous jours le cuer
 en pais et en joie le cors, Gouverne a la volenté de Dieu, et de
 quanques Diex fait a son cors, li rent graces et moult li plest. Sor
 la seignourie que vertu donne a celui qui l'a dont parlé Seneques,
 et dit ainsi: "grant honneur et grant empyre te donrai soies emp̄ereres
 de toi meismes." He Diex, tant a de roys qui ont chastiauz, citez,
 royaumes, et manoirs, qui n'ont pas ceste seignourie. Car de leurs
 cuers ne sont pas seigneurs, car il tourmente souvent euls meismes,
 ou par ire ou par matalent ou par desiriers que il ne pueent accomplir.

De Vraie Franchise

Aprés nuls n'a vraie franchise se il n'a grant vertu. Dont
 se tu veus savoir que est franchise a droit, tu dois entendre que li
 homs a trois manieres de franchise: l'une de nature, l'autre de grace,
 l'autre de gloire. La premiere est de franche volente, par quoi il
 puet eslire et faire franchement ou bien ou mal. Ceste franchise il
 tient de Deiu, que nuls ne l'en puet tort faire, ne tuit li dyable
 d'enferne porroient volenté d'ome forcier a faire pechié, sanz son acort.
 Car se li homs faisoit mal maugré sien, il n'i auroit point de pechié.
 Car nuls ne peche en ce que eschiever ne puet, si comme dit saint

Augustin. Ceste franchise ont tous homes, mes elle est liee et es fols et es senez qui n'ont mie use de reson, par quoi il sachent eslire le bien du mal. Ceste franchise se tolt li homs en grant partie quant il peche mortelment, car il se vent pour le delit de pechié et se rent au dyable et devient serf au pechié, si que il ne se puet geter a sa volente. Car il s'est ja asservi se la grace de Dieu ne li ayde.

La seconde franchise est celle que les preudes hommes ont en cest siecle, que Deix a franchi par grace et par vertu du service au dyable et departi de pechié, qui ne dont sers a or, ne a argent, ne a leur charoingne, ne aus biens de fortune que la mort puet tolir.²⁰ Mes ont leurs.... si eslevez a Dieu que il ne prisent un bouton tout le monde et ne doutent ne roy, ne conte, ne mescheance, ne povrete, ne honte, ne mort, et ont le cuer si dessevre de la mort du monde que il attendent la mort comme fait le bon ouvrier son paiement et le gaaingneur son aoust; et ceuls qui sont en tourment de mer, bon port; et le prisonner, pais. Et cil qui sont par fetement riens ne ne doutent fors Dieu, et sont en grant pes de cuer, car il ont assis en Dieu et sont ja en paradis par desirrer; et cele franchise n'est fors servage au regart de la tierce franchise, que cil mnt qui ja sont ou cors delivre de tout et avec Dieu sont en la gloire. Cil sont vraiment franc, car il sont delivré de tous tourmens de paour de mort et de pechié, des perils et des las du monde, de misere, de toute paine de cuer et de cors, sanz retourner des queles choses nuls n'est frans en cest siecle, tant soit parfais.

De Vraie Noblece

Qui la seconde franchise dont j'ai parle porra avoir a grant

20 No lacuna in Ms.

noblece vendra. La vraie noblece vient du cuer gentil. Certes nus cuers si n'est gentils s'il n'aimme Dieu. Dont il n'est noblece que en Dieu servir et amer, ne vilennie fors du contraire. C'est de Dieu couroucier et de faire pechie. Nuls n'est a droit gentils ne noble de la gentillece du cors, car quant au cors tous sommes d'ume mere, et c'est de terre et de boe dont nous preimes tuit char et sanc, et de cest nuls n'est gentil ne franc. Mes nostre droit pere est roys du ciel, qui formez la cors de terre et crea l'ame a l'ymage et a la samblance de lui; et tout aussi comme il est du pere charnel qui moult est liez quant son fils li ressamble, aussi est il de nostre per du ciel, qui par ses escriptures et par ses messages ne nous fine de semondre et puet que nous mettons paine de lui ressambler; et pour ce nous envoia son beneoit fil Jhesucrist en terre pour nous aporter le vray examplaire, par qui nous soions refourme a s'ymage et a sa biaute, comme sont cil qui habitent en la hautesce du ciel; ce sont les anges et les sains de paradis, ou chascune est de tant plus haut et plus a de noblesce, comme plus proprement porte celle bele ymage. Et pour ce li saint home en cestui siecle ont tout leur cuer et leur pensee a Dieu cognostre, et ameret leur cuer du tout espurgier. Car de tant comme leur est plus pur et plus net, de tant voit il plus celle bel face de Dieu, et plus apertement et plus l'aime aradnment, et tant le ressamble il plus proprement. Et ce est la vraie noblece que nous fait li fils Dieu, et le ressamblerons proprement quant nous le verrons apertement. Ce sera en sa gloire, quant nous serons en paradis. Car nuls ne voit a descouvert la biauté de Dieu mes aussi comme par mi un mirecir, si comme dit saint Pol²¹. Mes lors nous le verrons face a face clerement.

21 I Corinthians--ch. 13.

La vraie noblece de leur vie commence dont ci et est parfaite en gloire. Ceste noblece met le Saint Esperit en cuer, qui espurge en purté et en lumiere et verité parfaite en charité, et ce sont les tres grans biens que Diex fet aus gens, si comme dit saint Denys car il ressamblent leur creator. Ainsi oevre le Saint Esperit es cuers des preudes homes par grace et par vertu, par quoi il sont refourme a l'ymage et alla semablance de Dieu tant comme estre puet en ceste vie. Car il les eslieves si es Dieu et embrase en s'amour que tout leur entendement c'est leur entencion, toute leur memoire c'est leur remembrance, qui est couverte en Dieu en ceste amour qui conjoinst ensamble si le cuer en Dieu que il ne puet autre chose vouloir que ce que Diex veut. Car il n'a entre euls et Dieu que une meisme volente, et adonc a il l'image et la samblance de Dieu si comme l'en puet avoir en terre. Et c'est la grant noblece et la plus grant gentillece a quoy l'en puisse venir ne monter. He Diex, comme sont loing de ceste hautesce cil qui se font si comte de celle povre noblece, qui ont de par leur mere la terre qui porte et norrist les pourciaus aussi comme elle fet les roys, et se vantent de leur gentillece, pour ce que il cuident estre de gentil boe, et cestui parage se veut trop bien compter, et l'autre costé ne regardent mie. Dont la vraie noblece leur vient, et le gentil parage il deussent regarder a leur vraie examplaire Jhesucrist, qui nous ama et envoia sa mere, ce que onques ne fist autre homme. Et quant l'en li dist: "Sire, vostre mere et vostre cousin vous demandent"; il repondi: "Qui est ma mere, ne mon cousin, ne mon frere fors que cil qui font la volente de mon pere du ciel." Et c'est le noble sceptre et le gentil parage dont vient et naist en cuer vraie gloire, aussi comme de l'autre vaine noblece naist orgueil et vaine gloire.

Ore t'ai je souffisaument, ce croi, moustre que il n'est nul bien

profitable a droit fors vertu et charité. Ce est bele amour de Dieu,
que il ne soit autres biens profitable. Ce nous tesmoigne saint Pol
qui dit ainsi: "Se j'avoie tant de senz en moi que je seusse toute clergie
et tous langages, et parlass aussi bien comme puet parler homme ou ange,
et je seusse les secrez de Dieu et les conseus, et je livroie mon cors
a martire et donnoie quanque j'ai aus povres, et faisoie par miracle les
montaignes saillir d'un lieu en autre; se je n'avoie la vertu de
charité, tout ne me vaudroit noient."²² Ore regarde dont si comme dit saint
Pol que l'en doit bien croire, qui nous a ci nommez les plus grans biens
que l'en puisse fere et qui plus seulement valoir et profiter. Ce sont
penitances de cors, et martir et souffrir; povres aider, pecheeures
convertir en science de langace, et dit que tous ces biens sans charité
ne valent reins. Se tiex biens ne valent comment vaudront nuls meneurs
biens? Ce meismes pues tu vecoir par toi pieca que l'en dit tant vaut
li homs, tant vaut sa terre. C'est aussi voir comme pate nostre, qui
bien entent, et comment et par quoy li homs vault ou nient ou augues, ou
plus ou mains. Et ce n'est pas doute que ce ne soit charité et l'amour
de Dieu, car qui plus en a plus vaut, et qui mains en a mains vaut;
car combien que li hons ait des biens temporex, ou nature, comme est
art et engin, sens clergie, force, proece, et utres biens, comment diray
je que il li profitent quant il en use moins que droit des biens que
Diex li avoit prestez pour gaignier. Aprés se il fet une oevre temporele,
comme font ces labourers et ces menestriex, ou se il fet oevres
espiritueles, comme sont jeuner, ovrer, povres vestir, haires porter,
se ce est sanz charité, a droit parler ce ne plus de merite vers Dieu
u'en aura. Aineois se il muert sanz charité par fere de quanque

22 I Corinthians, Chapter 13.

Dieux li envoie en cest siecle de tout fet son prou et de tout conquiert grace et gloire. Charite est la bonne marcheande par tout gaigne et nule foiz ne pert, car ele achete tous les bonnes denrees et fet tout sien, et ne pour quant elle a toz jours son denier arriere. C'est l'amour du cuer, qui est le denier Dieu. Donc l'en achate tout les biens du monde et toutes voies revient il tous jours en la maniere. Amour a en tous lieus ses ventes. Charite gaigne en toutes quereles et a la victoire en toutes batailles; ele fet que aitant vaut a l'un jeuner en jour comme a l'autre un karesme; ele fet que autant vaut a l'un un denier que il donne comme a l'autre cent livres; et une patenostre dire; comme a l'autre un sautier; et ce n'est pour autre reson fors que pour ce tant vaut li tant vaut sa terre, car tant comme il a plus vrai amour, tant gaigne il plus chascun jour. Amour si est le pois em balance saint Michel, car nule autre chose n'i puet penser quant vient au prendre chacun son loier fors que amour et charite, et pour ce di ge que il n'est nul bien profitable apertement et droit paler fore bele amour et charite.

Ou Est Vertu Delitable

aussi comme Dieufist homme de cors et d'ame, aussi a il donne troys manieres de biens pour son cuer a lui atrere, en qui sont tuit li vrai delit. L'un bien vient par dehors et par les cinz sens du cors; par veoir, par oyr, ^{par} flerir, par gouster, par taster. Ces cinz sens sont aussi comme cinq conduiz par ou le bien delitable du monde entrent en cuer pour deliter et pour aleschier en toutes delices qui sont en Dieu amer. Car tuit li delit du monde que les cinq sens ont ne sont que une goute de rousee au regart de la fontaine. Mes de la grant mer donc tout biens descendant. Le goute de rousee quant l'en la voit de loing semble une pierre precieuse; mes quant l'en la

cuide prendre, ele chiet a terre et devient neent.. Aussi est il des biens et des deliz des cinq sens. Quant l'en les pense eet figure et delite, moult aperent precieuses, mes quant les tient toust, s'i sont perdus et devientent neent et songes. Pense du delit d'antan et d'ou songe d'ennuit; tu verras que tout est un. Tantost passent et tantost en vient et en nule maniere saoules ne pueent. Et se en une goute a tant de douceur, quale yert la douceur de la fontaine tout? Et pour ce li sage et li saint homme en cest siecle, en quanque il voient et assavorent des biens delitables de cest monde, loint Dieu et plus sont conjoint en l'amour de lum. Et com plus voit les goutes douces, plus desirment a venir a la fontaine, et pour ce que il sevent bien com plus ayme l'en la goute, plus oublie l'en la fontaine, et com plus la douceur de Dieu. Pour ce a tout le moins que il puissent il prennent et veulent et usent des deliz qui par les cinq sens vivent. He Diex, con il sont fel et plus que beste qui souvent que li cors de l'omme est plus povre creature et la plus vil qu'il soit, et que li esperit de l'omme c'est l'ame et la plus haute chose et la plus noble creature qui puisse estre; et ne pour quant il puet cuidier que plus soient douz et delitables les biens qui de par le cors yssent que ceulz qui viennent de par l'esperit, qui sont vrais biens et pur et parmenable, et pueent le cuer saouler et emplir. Tiex biens donne Deix a homme en cest siecle, car il donne pes de cuer et victoire de ses anemis et gloire de conscience, quant il remplist le cuer de joie esperituelle et l'enivre d'une douceur merveilleuse, si que il ne se puet contenir ne meesmes tenir de tel joie, de tel delit, nule semblance; ne nule comparaison ne peut estre trouree en joies et deliz du monde, qui ne sont fors que goutes au regart de la fontaine de douceur. C'est la donc nostre sire parle en l'evangile; "qui bevra," dit il, "de l'eau que je li donray,

ele devanra une fontaine qui le fera saillir en la vie parmenable."

C'est la fontaine de joie et de charité, qui puet emplir et saouler le cuer et nule autre. Rien qui soit de ceste fontaine avoit tasté David qui disoit en son sautier: "he Diex, comme est ore grant multitude de la douceur que tumgardes a tes serjans et donne a tes amys, et certes qui auroit bien tasté les joies de cest monde, et esliroit et recevroit la joie espirituele, et feroit aussi comme celui qui beluce la farine, qui depart la fleur d'ambien, et comme celui qui fet l'uile, qui em prent la pure gresse et lesse la grosse sustance. Car joie de cuer qui vient de Dieu amer et vrai joie et parfete, si comme dit l'escripture, que nule n'est parfete joie se ele ne vient d'amer, et elle est apelée en l'escripture le si, comme dit nostre sires. "Par le prophete Je te donray," dist il, "oile de joie pour pleur." C'est joie pure et vraye de cuer pour le pleur de penitance. De ceste oile sont en ceuls que Deix a fet roys et seigneurs du monde et d'eaus meesmes; et a donc est il homme parfet Crestien, car de saint cresme est, dit Crist, et qui est enoinz de tel oignement c'est de joie et d'amor de Dieu; il vit en Dieu et Dieu en lui, si comme dit saint Jehan l'apostre et ce est vie de Crestien. C'est a droit par ler vie d'omme. C'est bonne vie et beneuree que Crestien doit querre et desirer pour acquerre vie pardurable, car celui n'est pas en vie mes en langueur qui tous jours vit en cuers et en peines eet en angoises. Ne ce n'est pas vie d'omme mes de bestes qui tous jours la volenté de la charv veult fere. Ne ce n'est pas vie d'omme mes d'enfant qui ore pleure et ore rit, or est a eise, or est a mesiese, ore est irez, ore est en pes, or en joie, or en tristece. Donc qui veult bonne vie mener quiere que li vray bien a. Donques aura il vie honorable et profitable; c'est a dire, seriemment, sagement, et joieusement; seriemment, sanz corrouz, sagement, sanz douleur. Et a cele vie vient

l'en par grace et par vertu et non autrement.

C'est le Jardin de Sainte Vie

La sainte escripture compere la vie en un biau jardin plain de verdures et de biaus arbres et de bons fruiz. Donc Diex dist ou livre des mors: "Ma seur m'aime. Tu es un jardin en clos de deux clostures." C'est de la grace Dieu et des anges. Cest jardin plance li grace, li filz Dieu, qui est le vray soleil par la vertu de sa clarte. Lors fet croistre en haut et profiter. Ces trois choses sont neceessaires a toutes les choses qui en terre croissent: C'est assavoir, terre convenable, chaleur raissonnable, et humeur naturable. Sanz ces trois choses espirituellement les choses de vertu ne pueent croistre ne fructefier. Ces trois choses fet la grace de Saint Esperit reverdir et flourir et fructefier, et y fet aussi comme un bel paradis trop delicieus, plain de tous arbres precieus, et bons, mes aussi comme Diex plante paradis terrestre plains de bons arbres et de bons fruit, et ou milieu si planta un arbre de vie, pour ce que son fruit avoit vertu de garder la vie a ceulz qui en mengeront sans mourir et sanz maladie. Ainsi fet espirituelment li grans jardins. C'est Dieu le pere quant il plante les arbres des vertuz ou milieu de l'abre de vie. C'est Jhesucrist qui dit en l'evangille: "Qui mengue ma char et boit mon sanc, il en aura vie pardurable.²³ Cest arbre reversist et embelist trestout ce de paradis. par la vertu de cest arbre croissent et fructefient tous les autres arbres. En est arbe est tout bon quam que il i a. Cest arbre fet a loer et amer pour moult de choses: pour la racine, pour le fust, pour la fleur, pour le fruit, pour son bel ombre. La racine de cest

23 Ms. repeats "vie per."

arbre c'est la tres grant amour et l'outrageuse amour charite Dieu le pere. Donc il nous am tant que pour son malvés serf rachater il donna son douz filz et le livra a mort et a torment. De cest racine parle le prophete et dit que une verge iscroit de la racine Ysse. Cest mot Ysse valt autant comme balsier d'amour. Le fruit est le precieuse char. Le cuer de cest arbre, c'est la sainte ame, en qui estoit la precieuse moelle de la sapience Dieu. L'escorce est sa bele conversation par de hors.. La gomme de cest arbre furent quatre tresprecieuses chosess et de tres grant vertu qui de ces precieuses membres degouterent. Ce fu yaue et lermes et sanc et sueur. Les fueilles furent les saintes paroles qui guerissoient de tourtes maldis. Les fleurs furent les saintes pensees et honestes et portanz fruit. Li fruit furent les douz apostres, qui tout le monde repessoient della sainte doctrine et de l'essample de ses bonnes oeuvres et de ses benefices. Les branches de cest arbre en un sens sont tous les elemens qui onques furent et sont et seront; car si comme il dit a ses apostres, "Je suy," dist il, "la vigne et vous estes les branches." En un autre sens les branches furent les beles vertus, et le glorieus example qu'il moustra par²⁴ oevres et par bouche l'en seigna. Ce furent les verutz parfetes et plaines de sainte beneuré que il moustra a ses amis privez. Ce fu a ses apostres que il mena en la montaigne priveement ilec s'assist, si comme dit l'Evangille, et ses deciples avec li. Lors ouvri sa benoite bouche et son tresor qu'il avoit repose dedenz son cuer, et lors dist einsi: "Beneure sont li povre d'esperit, car il seront seigneurs de la terre. Beneurez sont ceulz qui pleurent, car il auront le royaume du ciel.

24 Ms. "pa".

Beneurez sont ceulz qui pleurent, ca'il seront de Dieu confortez.
 Beneurez sont cil qui ont fain et soif de joustice, quar il seront
 saoulez. Beneurez sont les misericorde, car il trouveront misericorde.
 Beneurez sont les debonnerez²⁵ car il trouveront la debonnerete Dieu.
 Beneure sont li pacient, car il auront le royaume du ciel. En l'ombre
 de cest arbre se fet bon ombrier et regarder ces beles branches qui
 portent le fruit de vie pardurable. En ces sept paroles est enclose
 toute hautece, et toute perfection de grace, et de vertu, et vraie
 beneurte, tant comme l'en puet avoir en cest siecle et atendre en l'autre.
 Ce sont les ept rieules de sainte vie que li sages Salemons enseigne
 a ses enfanz. C'est la vraie philosophie que li mestres des anges
 enseigne a ses desciples. En ces paroles, si con dient li saint, est
 enclose toute la somme de la nouvele loy, car ele ne puet envillier
 si comme fist la vielle loy des Juis, et pour ce que ele fet l'ame,
 envillie a pechie, rajoenir et nouvele devenir par bonnes oeuvres,
 ele est vraiment nouvele et desguisee des autres loys. Loy si est
 dite pour ce que ele lie. Et les autres loys, lient, ceste deslie; les
 utres si chargent, ceste descharge; les utres menacent, ceste promet;
 es autres a plet, en ceste a pes; et autres cruate, en ceste amour; es
 autres maleicon, en ceste beneicon. Donc ele est toute plaine de
 beneurte, et pour ce sont beneure ceuls qui la tiennent. Ce dit Salemon,
 car cil qui l'a il en gaignie l'arbre de vie. Donc ces choses que
 Diex dit sont apelees beneurtez, car eles font homme beneure.

Or as tu oy que cest l'arbre de vie, qui est el milieu de paradis,
 que Diex plante en la sainte ame. En l'ombre de cest arbre croissent
 et profitent et portent fruit les arbres de vertuz, que Diex li peres,

²⁵ Ms. repeats "Sont les debonnerez."

qui est le grant jardiniers, plante en son jardin; et les arouse de la fontaine de sa grace, qui les fet reverdir et croistre et profiter, et les tient en verdeur en vertu et en vie. Ceste fontaine se devise en sept ruisiax; se sont les sept dons du Saint Esperit qui arousent tout le jardin. Or regarde la grant cortoisie nostre tres douz mestre Jehucrist, li filz Dieu, qui vint ou monde querre et sauver ce qui estoit perdu, pour ce qu'il soit bien nostre povoar et nostre feblece. Car par nous poons cheoir, mes par nous ne poons relever ne yssir de pechier, ne yssir ne vertu aquerre, ne venir a bemeure vertu, se par sa grace non et par son don. Pour ce ne nous fine il de semondre que nous li prions et requerons chose qui bonne ne soit, et nous l'aurons, et plus nous fet il de cortoisie, car il est nostre avocat qui nous forme nostre peticion, que nous ne saurions fere ne formerse il n'estoit le peticion que il nous forma de sa benoite bouche, qui est bele et bonne et ateignant. C'est la patenostre, ou il a sept peticions par les quelles nous requerons nostre pere du ciel, qui nous dont les sept dons du Saint Esperit que il nous delivrent des sept pechiez mortiex et les estre pent du cuer, et en leur lieu plantent et norrissent les sept dons qui nous meinent aus sept bemeurtez de perfection de sainte vie, par quoy nous puissions avoir les sept premesse que il fet a ses esleuz. Es sept paroles devant dites donc nostre etencion est avec l'aide du Saint Esperit premierement de sept peticions de la patrenostre, apres des sept dons du Saint Esperit, apres des sept vertuz qui sont coutreites aus sept pechiez mortiex, dont nous avons desus parle.

Les sept peticions sont aussi comme sept belles pucelles qui ne cessent de puissier des sept ruisiaus des eaves vivres pour arouser ces sept arbres qui portent le fruit de vie pardurable.

Ci Commence le Prologue de la Sainte Patrenostre

Quant l'en met un enfant a lettre au commencement, l'en li aprent sa patrenostre. Qui de ceste clergie velt saveir si deviegne humble comme enfant, car a ciex escoliers apresnt nostre bon mestre Jehucrist ceste clergie, qui est la plus bele et la plus profitable qui soyt qui bien l'entent, car tel la cuide bien savoir qui onques ne sot fors que l'escorce par dehors. C'est la lestre qui bons est; pou valt au regart du nouvel qui est par de denz si tres douz. Ele est moult longue en sentence, legiere a dire et a entendre. Ceste oraison si passe toutes les autres deus manieres en dignete, en ce que le filz Dieu la fist en Dieu le pere (ou par le Dieu, le Saint Esperit est ce quan que on lire quiet et demande.) Il volt qu'ele fust brieve, pour ce que nul ne fust ennuie dou dire et souvient, et pour moustrer que Dieu le pere nous oyt moult test quant nous li prions de bon cuer, car il n'a cure de longue note ne de paroles polies et rimes, car si comme dit saint Griegoire vraiment: "ourer n'est pas dire beles paroles et polies de bouche, mes grans soupirs de cuer parfont. "La vlu et le profit de ceste oraison quex ele enclo a bries mot, quan que l'ent peut deviser de cuer et proier de bien que l'en soit delivré de tout mal et rempli de tout biens.

Ci Commence la Sainte Patrenostre

Pater noster qui es in celis regarde comment nostre tres douz avocat et nostre mestre, mestre Jhesucrist qui est la sapience Dieu la pere et soit toutes les loys et les usages de ce cort et enseigne bien a pledier et sagement et sotilment et brement a parler. Certes cil premiers que tu diz, se il est bien entendue poursuiz, te donra toute

ta querle, car saint Beranar dit que l'oreison qui se commence par le
 douz non d'ou pere nous donne esperance d'enpetrier toutes vaus prerres.
 Cest douz non dou pere, qui tout le remenant fet douz, te mostre ce que
 tu doiz croire et te semont a ce que tu dois, et ces deus choses sauvent
 homme quant il croit bien et droit. Quant tu l'apeles pere, tu cognoise
 que il est sires de l'estel du ciel et de la terre, et chevetaine et
 commencement et fontaine donc toute creature vit et tous les biens
 viennent, et ainsi reconnois tu sa puissance. Apres puis que il est
 ordeneur pourveeur de sa mesnie et nonmement de ses enfanz. C'est
 des hommes que il meesmes a criez et fez a son semblant, et einsi
 reconnois tu sa puissance et sa sapience derechief, puisque il est
 peres par maniere et par droiture. Il ayme tout ce que il fet, si
 comme dit le livre de sapience, et est douz et debonnaire, et si ayme
 et norrist ses enfanz et leur fet leur preu miex que il ne sevent
 deviser, et les bat et chatie quant il mesfont, comme bon pere, et
 volentiers les recoit quant il remenent a li et en reconnoissent sa
 bonte et sa debonnerete. Or te mostre donc comment quant tu dis
 "Peres", sa puissance, sa sapience, sa bonte, il te ramenoit.
 D'autre part toy meismes ta noblece, ta hautesce, ta richece, plus
 grant noblece ne peut estre que d'estre hoir de quanque il a. Plus
 grant biaute ne peut estre que lui ressembler a droit la ou biaute
 est si grant que ele passe biaute d'omme et d'ange. Donc cest mot
 "Pere" te ramentoit que tu es filz, pour ce que tu te poines de lui
 ressembler comme bon filz doit ressembler a bon pere; c'est a dire que
 tu soies preus et viguereus, fort et puissant a bien fere que tu soies
 sages et avises, larges, et cortois, douz et debonneres, net, et sanz
 vilennie, aussi comme il est, et que tu hees pechié et ordure et toute

mauestie si que tu ne forlignes nie cest mot. Dont te ramentoit toutes les fois que tu dis ta patenostre, que se tu es droiz fils, tu doiz ressamblier par nature, et par droitire, car tu li doiz honneur et reverance, service et obedienece. Ore pense dont quant tu dis ta patrenostre que tu li soies bons fils et loyaus. Se tu veus que il te soit bon pere et debonnaire, pense que fils tu es, dist il au chevalier nouvel quant il entre en tournoiemment. Ore voiz tu bien comment cest premier mot est douz et comment il t'amonneste que tu soies vaillant et preuz, et t'enseigne que tu doiz faire.

Pour Quoi tu Dis Peres Nostre

Ore te dement je pour quoi tu dis "peres nostres" et non pas "peres miens", et qui tu accompagnes avec toi quant tu dis "donnez nous" et ne dis pas "donne moi". Je tele dirai se tu veus. Nuls ne doit dire "pere mien" fors celui qui est par nature, car celui qui est vrai sanz commencement et sanz fin, c'est le vrai fils de Dieu. Nous ne sommes pas ses fils pas nature fors en tant comme nous sommes fes a s'yimage, et aussi sont fes les Sarrazins, mes nous sommes ses filz par grace et par opcion, si est un mot de lay. Car, selonc les loys des empreurs, quant un homme n'a nul enfant, il puet eslire le filz d'un povre homme se il velt a fere son fils par adopcion.²⁶ C'est par avorie si que il ert tenus pour son filz avoe et emportera son heritage.

Cest grace nous fist Diex le pere sanz nostre deserte, si comme dit saint Pol, quant il nous fist venir en baptesme, qui estoyn nez povres et nulz, et filz de sainte eglise par la foy qu'il ont recue en baptesme. Or nous mostre donc cest mot la largesce et la cortoysie

26 Ms. "adopon".

Dieu nostre pere, qui donc plus volentiers assez grant une petit et a pluseurs que a un seul. Done saint Graigoire dit que croison con plus est commune et plus valt, aussi comme la chandele est trop miex emploie qui sert a une sale plaine de genz cele qui ne sert que a un homme. Cest net nous amonestre a rendre graces de tout nostre cuer de ceste cortoysie que il nousa faite, pour quoy nous sommes ses fils et ses hoirs, et que moult ardanment devons amer nostre seigneur Jhesuerist. C'est nostre ams ne frere, qui nous accompagne avec lui en ceste grace.

Ces mots nous ammonnestent que nous gardons en nos cuers le Saint Esperit seignueusement, qui est notre tesmoing de ceste adopcion et aussi comme gage, si comme dit saint Pol, par quoy nous est tesmoingié que nous aurons l'eritage nostre pere, c'est, la gloire de paradis.

Cest mot nous aprent et dit que nous sommes tuit freres, et grant et petit et povre et riche, haut et pas d'un pere et d'une mere, c'est de Dieu et de Sainte Eglise, et que li uns ne doit despiter l'autre, et que li uns doit aider l'autre, si comme dit saint Jaque; et si est nostre prue moult grant, car quant tu diz ta patrenostre ou ta priere, quelle qu'ele soit en communite de sainte eglise, pour une patenostre que tu dis tu en gaignes plus de cent.

Cest mot "nostre" nous aprent a hair pechié, nommement orgueil et hayne et avarice. Car orgueil met home hors de compaignie quant il veut estre dessus les autres.

Avarice met home hors de compaignie quant il ne veut soi ne ses choses communes eslargin avec les autres, et pour ce tele gent n'ont ne part ne compaignie en la sainte patrenostre. Cest mot "nostre" nous moustre que Diex est nostre, qui est Pere et Fils et Saint Esperit,

c'est se nous gapons ese commandemens. Ainsi le dit il en l'Evangille saint Jehan.

Comment l'en espont "Qui Es in Celis"

"Pere nostre qui es es ciex." Quant je di "pere nostre qui es es ciex," je di deux choses; aussi quant je di "li roys est a Paris," je di deux choses: que il est roys, et que il est a Paris, aussi quant je di "qui es es ciex." L'en trueve escript ou livre de la loy que Diex s'apparut a Moyses en une montagne et li dist, "va t'en en Gypte, et di au roy Pharon que il delivre mon pueple les fils de Israel du servage ou il les tient." "Sire", dist Moyses, "seil me demande comment vous avez non, que dirai je?" "Je sui qui sui Diex; ainsi diras tu." Ore dient li saint et les bons clerz que entre tous les haus noms nostre seigneur c'est le premier et le plus adroit nous enseigne a cognoistre ce que Deix est, car tous les autres nons ou il parlent de sa bonte ou de sa sapience, ou il est tel ou il est quel, ou de sa puissance, c'est le tres bon, le tres bel, le tres sage, le tres puissant, et moult d'autres manieres de paroles que l'en dit de lui, qui ne dient pas profitablement la verite de l'estre de Dieu. Mes nous qui sommes gros et rudes a parler de ses hautes choses parlons de Dieu comme l'en seut par ler de un homme quant l'en ne set pas le non, si comme quant l'en dit il est roys, il est tels, ilest quels, il est si grans, il est si biaus, si bon, si courtois, et moult d'autres choses par quoi l'en cognoist comment que soit l'omme mes ne dient pas a droit son non. Ainsi comme nous parlons de Dieu, moult trouvons de nos qui nous moustrent que ce soit de li, mes n'en y a nul si propre comme ce mot qui est qui si proprement, si briement, si ataignamment, et si soutivement le nous moustre en tant comme nostre entendement se puet

entendre; car Diex est cil qui est tout seul, si comme dit Job.

Il seuls est a droit parler, car il seuls est pardurablement sanz fin et sanz commencement.

Ce ne puet l'en dire de nulle autres creature. Aprés yceuls est vraiment, car il est voie, vie, et verité, et vertu, par quoi toutes choses sont crees si comme dit Salomon. C'est tout noient au regart de li, et a noient vendroient dont elles vindrent se ycils ne les soustenoit par sa vertu derechief. Il seuls est establement et fermement, car il est tous jours ub meisme et un meisme point sanz soi troubler, sanz soi changier, sanz soi muer en nulle maniere, si comme dit saint Jaque. Toutes autres choses sont muables en quelque maniere de leur nature. Dont il est appelle proprement qui est, car il est vraiment sanz vanité et establement sanz nulle muance pardurablement, sanz cheif, et sanz fin; sanz commencement fu, sanz fin sera, car il n'i a nul trespassement.

Ore doiz tu savoir et entendre yci que il n'est riens que l'en puist miex savoir que ce que Diex est, mes il n'est riens si fort assaveoir comme quele chose Dieu est; pour ce telo je bien que tu ne muses pas trop a en enquerre, car tu porroies forvoier. Souffise toi que tu li dies, "biaus dous peres qui es es ciex." Verité est que il est par tout present en terre, en mer en enfer, mes l'en dit que il est es ciex pour ce que il est la plus veuz et cogneus et miex amez, et plus honnourez. Aprés il est es ciex espirituels. C'est es sains cors et cuere qui sont haut et cler et net, comme est le soleil et comme est le ciel. Car en tis cuers est il veuz et cogneuz et cremus et amez et honnourez.

Ore as tu ces quatre mos: "paternoster qui est in celis." Le

premier te semont a Dieu honnourer; le secont, a Dieu amer; le tiers, a Dieu redouter, car encore soit il peres nostres, toutes voiz est il justes et non muables; le quart est a toi enseignier, car puis que il est si haut et toi si bas, se tu nues preuz et viguereus, tu ne venras la ou il est et la ou il habite. Le premier mot nous moustre la longueur de sa trinite; le secont, sa largesce de charite; le tiers, la parfondeur de sa vertu; le quart, la hautesce de sa majesté.

Ore as tu oi le prologue de la patrenostre, qui est aussi comme une entree de maus. He Diex, qui bien sauroit la chançon que la sapience Dieu fist, cil qui enseigne les oisiaux a chanter, comme il y ait moult de notes soueves et douces encore y ait il pou de lettre. En ceste chançon a sept notes qui sont les sept peticions qui empetrent les sept dons due Saint Esperit qui estent et errachent les sept vices chevetains du cuer et il plantent et norrissent les sept vertus par les quelles l'en vient a sept boneurtez. De ces sept peticions les trois premiers font hōme saint tant comme l'en puet estre en cest siecles. Les quatre apres le font juste parfaitemment toute la samblance de l'ome, qui est fait a l'ymage de la sainte trinité selonc trois choses qui sont en l'ame: memoire, entendement, et volente. Volente est en trois choses ancoiz qui l'ame soit parfaitement parfaitement ordenee en la memoire parfaitement enluminee. Et com plus reçoit l'onme habondaument ces trois dons de Dieu, et elle plus proprement approche celle biauté naturele, c'est la samblance du pere, du fil, et du Saint Esperit qui li conferme sa memoire. Diex le fils li enlumine son entendement. Dieu le Saint Esperit li purge la volente. Ces trois choses nous requerons estrois premieres peticions de la patrenostre. Quant nous disons: "sanctificetur nomen tuum", nous moustrons

a nostre bon pere principal desirier que nous devons tous jours avoir; c'est que son non soit saintefie et conferme en nous. Dont quant nous disons: "sanctificetur nomen tuum", c'est a dire, "Sire, nostre souverain, desirier requerons sur toute tiens que ton beneoit non (c'est, ta beneoite renommee, ta cognoissance, ta fey) soit saintefiee et confermee en nous. "En ceste premiere peticion nous requerons le premier don du Saint Esperit et le principal. C'est le don de sapience, qui ferme et conferme en Dieu et le joint a li que il ne puet estre desjoint ne dessevre. Sapience est dite de sauveur et de savouree science, car quant home recoit cestui don, gouste et assavoure et sent la douceur de Dieu, aussi comme l'en sent le bon vin au goust miex que au vеoir; mes a ce que tu entandes miex que c'est a dire, "ton non soit saintefie en nous," tu dois savoir que cest mot vaut autant comme de dire au service de dieu comme tient en sanc comme conferme en cinq manieres, saintefie le Saint Esperit de sapience le cuer de l'ome. Premierement il le netoie et purge aussi comme le feu purge et netoie l'or et afine. Aprés il l'oste de terre, ce est, de toute terrienne amour et de toute affection charnel fait tout devenir sade, quanque l'en sent avant, aussi comme l'yaue est fade a celui qui est alechiez au bon vin. Aprés il le dedie du tout au service Dieu, et cuer et cors, car il l'oste de toutes cures, et le met de tout penser a Dieu et li amer et servir, aussi comme le moustier est dedie²⁷ au service Dieu, si que l'en ne doit autre chose faire que le service Dieu. Aprés il le taint en sanc, car il le met en une si ardent amour et en une si douce devotion de Jhesucrist que quant il pense a li et a sa passion, il est aussi comme teins et alumez du precieus sanc Jhesucrist, qui fu espadus pour li,

²⁷ Ms. repeats "est dedie".

comme une somme de pain chaut quant l'en le met en vin rouge. Apres il le conferme si en Dieu que riens ne l'en puet desjoindre ne dessevrer.

Ore veut doncques dire cest mot "ton non soit saintefie", c'est a dire, donne nous l'esperit de sapience, par quoi nous sommes si affermé au miroir et nettoiez de toutes ordures que nous soions si enyvrez de s'amour que toutes douceurs nous soient ameres, pour quoi nous soions si adonnez a li et a son service que jamés d'autre amour n'aions cure, par quoi nous soions non pas sanz plus lavez mes netoiez et teins en graine et renouvelez et baptisez ou sanc Jhesucrist par devotion de fervent amour, par quoi le non de nostre seigneur et de nostre douz pere soit confermé en nous, si que nous soions ses fils et ses heirs; si ferme et conferme que nulle chose qui puisse avenir ne puisse desjoindre ne oster ceste fermeté, ne ceste grace. Moult est grant grace de Dieu quant l'en est affermé et abevré en l'amour de Dieu, que nuls soulas ne nul confort l'en ne recoit se de li non. Mes adonec est le cuer parfetement abevre quant la memoire est si aherse a li qu'elle ne puet a riens penser se a li non, et ce li requerons nous quant nous dison "sanctificetur nomen tuum", "sire, ton non soit sanctifie."

Comment l'En Espont Advenat Regnum Tuum

Advenat regnum tuum. C'est la seconde peticion de la patre-nostre, ou nous prions que le regne Dieu avieigne en nous et soit dedens nous. Nostre sires Diex dit en l'Evangille a ses desciples, "Le regne Dieu soit dedenz vous." Ore entendez comment ce puet estre quant Diex donne une grace que l'enappele l'esperit d'entendement en cuer; aussi comme le soleil oste les tenebres de la nuit et degaste les obscuritez des nues et les broillas du matin, aussi gaste

cil esperis toutes les tenebres du cuer et li moustre ses pechies et ses defautes; si que cil qui cuide estre tous nes treuve tant de defautes et de pouties et de poudre que c'est sanz nombre, aussi comme le ray du soleil moustre les pouties et les poudres qui sont parmi la meson, Apres il li moustre d'autre part, non pas sanz plus, ce qui est dedenz li et ce qui est dessus li, toutes les beles creatures qui toutes loient Dieu et li tesmoingnent comme Diex est biaus, bons, et puissans, sages et debonaires, et comme plus voit cler les creatures et plus est desirrants de li meisme veoir. Mes il veit que il n'est pas digne ne pur de li veoir; adonc s'eschauffe de bon cuer loyal et commence a foir et a miner et a entrer en ce cuer la dedenz, et treuve moult de pechiez et tant de vices et de defautes, tant de poudres, de tribulations, de cures, de pensees, et de mauveses volentez que il se courouce et se delouse et s'adole et prend un matalent en soi meimes, si que il commence ce cuer a netoier a certes et a geter hors toutes ces ordures qui li touloient la veue de Dieu en li; et ce fait il par l'appel de confession. Mes quant il a longuement mine et il a toutes ces ordures getees hors, si trueve pais et repos et soulaz et joie tant que il li samble que tout le monde est un enfer au regart de celle clarte et de celle pais que il treuve en son cuer, et ce demandons nous quant nous disons "adveniat regnum Tuum," c'est a dire, biau pere, pese toi que le Saint Esperit nous vueille enluminer et netoier et purgier tant comme nous soions digne de Dieu veoir et que il doie venir et manoir comme roys et comme sires et gouvenerres et commanderesses, si que tout le cuer soit sien et que tous jours le puissions veoir, car c'est vie pardurable et le regne Deiu avoir dedenz nous. Pour ce dit nostre sires en l'Evangille que le regne Dieu est aussi comme un tresor en un

champ repos. Ce est ou cuer du preudome qui plus est grant que tout le monde.

Comment l'En Espont Fiat voluntas Tua

Sicut i Celo et in Terra

Fiat voluntas tua sicut in celo et in terra. C'est la tierce petition, ou nous prions a nostre douz pere du ciel que sa volente soit faite en nous aussi comme elee est faite es ciex. C'est comme es sains anges qui sont es ciex, qui sont si enlumine en Dieu que il ne pueent autre choses vouloir que ce que Diex velt. Ceste premiere nous ne poons avoir se nous n'avons le don de conseil, qui est le tiers don du Saint Esperit, qui nous enseigne la seuve bonne volente, et que il nous convertise la nostre chetive volente et l'enfourme du tout a la seule volente, si que en nous n'ait propre senz ne propre volente mes la seuve tant seulement, qui soit d'ame de tout le cuer entierment et face en nous quanque il veut, aussi comme elle fait et est faite es sains anges du ciel, qui font otus jours sa volente sanz mesprendre ne sanz contredire. Ore as tu oy les trois premieres petitions de la patrenostre, qui sont les plus hautes et les plus dignes. En la premiere nous demandons le don de sapience, si comme j'ai dessus moustre; en la seconde, le commandement; en la tierce, le don de conseil. Ces trois choses nous ne requerrons pas, pour ce que nous les avons en ceste vie parfaitement. Mes nous moustrons a nostre bon pere nos desiriers qui sont ou doivent estre a ce que ces trois prieres soient en nous faites et accomplies en la vie pardurable. Es autres quatre qui apres viennent nous appelons un autre langage, car nous disons a nostre bon pere apertement, "donne nous, pardonne nous, garde nous, et delivre nous," car se nous n'avons de li ces

quatre prières, nous sommes mors et malbailliz en cest siecle; car elles nous sont nécessaires en ceste mortel vie, qui n'est que un trespass.

Comment l'En Espent Panem nostrum Coridianum

Da Nobis Hodie

Panem nostrum cotidianum da nobis hodie. Moult nous enseigne nostre douz mestres a parler humblement et sagement quant il nous aprent a parler et a dire, "biau pere, nostre pain nous donne huy." Que puet demander li fils a son pere que du pain? Sanz plus pour passer le jour il ne demande; nul outrage, ne de pain, ne de char, ne de poisson; du pain sanz plus requiert, non pas a l'an, ne pour toute la semaine, mes sanz plus pour le jour passer. Ore samble que ce soit moult petit de chose que nous demandons, mes certes nous requerons mout grant chose quant l'en requiert a un albe le pain de s'albaie. L'en li requiert sa fraternité et sa compaignie et part et droit en tous les biens qui sont en la meson, aussi cil qui requiert part et compaignie en tous les biens du ciel. C'est le pain de celui benoit couvent, le pain du ciel, le pain delitable, le pain de vie pardurable, car il donne bonne vie et garde l'ame sanz morir, dont verité dit en l'Evangille: "Je sui le pain de vie qui descendi du ciel. Qui mengue de tel pain il vivra sanz morir." Cest pain est viande a droit, car il estranche toutes les fains du monde et saoule l'ame si que elle a assez. Ce ne fait nule autre viande. C'est le pain et la viande que tu prens ou sacrement de l'autel quant tu doiz mengier hastivement et gloutement, si comme dit l'escripture, aussi comme fait la bonne viande le lecheur qui aucune feiz la tansgloutist sanz maschier. C'est a dire que tu doiz prendre ceste viande en grant ardeur de cuer et en grant desirier, et la doiz

ainsi transgloutir. C'est à dire, croire en gros que c'est le vray cors
 Jhesucrist et l'ame et l'ardeur ensamble, sanz encerchier comment ce
 puet estre, car Dieux puet plus faire que homme ne puet entendre. Après
 l'en doit ceste viande mengier comme le buef l'erbe qui la traingleoutist.
 C'est à dire que l'an doit recorder doucement et enterement par parties
 toutes les bonnetez nostre seigneur, et quanque Jhesucrist souffri en
 terre pour nous; adonc trueve le cuer la droite saveur de cest branche
 et concoit une tres ardant amour de nostre seigneur et un tres ardant
 desirier de faire assez, et de souffrir pour l'amour de li. Et tout
 ce fait la vertu de cest pain, et ce ne puet l'en faire sanz le don du
 Saint Esperit, qui est appelle le don de force, qui arme les chevaliers
 de Dieu et les fait courre au martire. Ore pues tu vecoir comment
 courtoisement quant nous demandons "nostre pain nous demandons", le
 don de force, car aussi comme le pain corporel, qui soustient et
 conforte le cors, aussi le don de force fait le cuer fort a souffrir
 et a fiere grans choses pour Dieu. Cestui pain nous l'appelons
 "nostre," car il fu fait de nostre paste benoite, soit la preuefame,
 qui du sien y mist la fleur. Ce fu la Vierge Marie. Il est nostre,
 car il pour nous fu il cuiz et faiz et friz; cuiz ou ventre Vierge
 Marie, friz en la puele de la croiz, si comme il dit en sautier voire
 voir, friz en son propre sanc, et sanz ce fist il par la grant ardeur
 de l'amour qu'il avoit en nous. C'est le bescuit dont il garnist se nef.
 C'est sainte eglise pour passer la grant nef mer de cest monde perilleurs.
 Il est nostre, car il le nous lessa son congé prendre le tres courteis
 Jhesucrist et le tres large a son derrienier testament comme le plus
 grant tresor que il nous peust lessier, et la donna a nous comme le
 plus biau joiel que il nous peust donner, et que nous le gardissiens

pour l'amour de li et en mengissons chascun jour en ramembrance de li.

Il est vraiment nostre, car riens ne le nous puet tolir se nous voulons.

Nous l'appelons nostre pain cotidienne tribulation que Diex donne a ses chanoines chascun jour que il font son service et chantait ses heures. C'est chascun bon cuer qui tout les jours doucement par foy et par vraie amour font memoire et ramembrance de sa passion. C'est le gros de la prouende de nos preudes homes en nostre aoust ou ciel, quant nous le verrons en sa biaute si comme il est a descouvert. Pour ce est il dit "cotidien," car chascun jour il nous est necessaires, et chascun jour le doit l'en prendre ou sacrement de l'autel comme font les prestres espirituelment par vraie foy. Cest pain est tres precieux et tres noble et tres noblement appareilliez. C'est viande royal en qui sont toutes manieres de delices et de toutes saveurs, si comme dit li livres de sapience. Ce n'est pas viande a garconner ne a donner a pietaille, mes a cuer noble, gentil, et courtois et net. Ce est a cuer qui est gentil par grace; noble, par vonne vie; netoiez et lavez par vraie confession; de sa vertu parle saint Mehieu l'evangille, et lappele le pain "substaneius," c'est a dire, qui passe et surmonte toutes choses et eslieve toutes creatures en vertu et en dignite, et en toutes manieres de value. Nuls ne le porroit miex descrire et plus souffisanment que appeler "substancieus." L'en dit que viande est substancieuse quant il y a assez de substance et de norrissement, et com plus est norrissans plus dit l'en que elle substancieuse, et pour ce que en cestui pain a plus de vertu et de norrissement que l'en ne porroit penser ne dire, ne dit l'en pas sanz plus que il substancieus, mes dit l'en que il est substancieus outre entendement et cuidier. Ce pain nous requerons a nostre bon pere et li prions que il nous doinst

huy, en cest jour; c'est en ceste vie mortel, si que nous puissions faire le bien et attendre plus lieement nostre loier. C'est le denier que il donne a ses ouvriers quant vient au vespre, c'est a la fin de la vie.

Comment l'En Espont Dimitie Nobis Debita

Nostre Sicut et Nos Dimitamus Debitoribus

Nostris

Dimitie nobis sicut et nos dimitamus debita nostra. En ceste peticion nous requerons nostre pere du ciel que il nous vuelle pardonner nos meffais aussi comme nous pardonnons a ceuls qui nous meffont, ou qui nous ont meffait. Dont nous disons ainsi, "pere, quite nous nos debites aussi comme nous quitons a nos debiteurs." Ce sont nos pechiez et nos meffais que nous avons ci creuz sus nos ames. C'est le meilleur gage de l'ostel dont le pecheur par un seul pechié mortel qui si tost est passé comme au delit, ou quant au fait est obligiez a si grant usure que il n'a povoir de fanir. C'est la paine d'enfer qui est sanz fin. Aprés il en doit a Dieu si grant amende que il n'a povoir du paier, car en toute sa vie, se il vivoit cent ans ou plus, il ne porroit pas faire souffisament amende d'un seul pechié mortel, se Diex vouloit ouvrir de sa roide justice; et pour ce convient recourre a sa misericorde et crier merci et demander pardon, car par le droit de justice li pechierres seroit jugiez et puniz et dampnez a mort pardurable; et pour ce nostre bon mestre Jhesucrist nous enseigne ci a demander pardon et quittance quant nous prions a nostre bon pere (qui est douz et debonnaires pour pardonner, larges et courtois pour donner) que il nous pardoinst meffais. Mes pren toi bien garde comment tu pries quant tu diz, "pardonne nous nos meffais aussi comme nous pardonnons a ceuls qui nous ont meffait." Dont cil qui dit sa Patre Nostre et garde en son cuer rancune

et felonnie ou hayne, il prie plus contre soi que pour soi, car il prie Dieu que il ne li pardoinst pas quant il dit, "pardonne moi aussi comme je pardonne." Et pour ce quant tu dis ta patrenostre devant Dieu, qui voit ton cuer toutes les fois, tu doiz pardonner ton mautalent et geter de ton cuer toute ire et toute hayne et rancune; autrement celle priere est plus contre toi que pour toi. Se il te samble fort choses a pardonner ton mautalent et grieve a ceus qui te heent, ou qui mal to font ou ont mesfait ou meffont ou nuisent, pense que Diex pardonna sa mort a ceuls qui t'ont meffait, et plus encore de prier pour euls que Diez leur pardoinst, et plus encore de bien faire leur se il en ont mestier. Car si comme Diex dit en l'Evangille, n'est pas grant chose ne grant deserte vers Dieu de faire bien a ceuls qui bien nous font ne amer qui nous aiment, car ainsi font paien et Sarrazin et tous pecheours, mes nous sommes Crestiens nommez de Jhesucrist et sommes hoirs avecques li de l'eritage de paradis devons pardonner li uns a l'autre et devons amer nos anemis, ce est a dire, leurs personnes, et puis pour prier euls et euls bien faire se il en ont mestier, et nous le poons faire, car nostre pere Jhesucrist le commande en l'Evangille. Dont nous devons hair leurs pechiez et amer leurs ames, qui sont faites a l'ymage de nostre seigneur, si comme l'un membre du cors aime l'autre et deperte, car se l'un membre blece l'autre d'aventure, il ne se revenge mie. Nous sommes tous un cors en Jhesucrist, si comme dit li apostres, et pour ce devons nous amer l'un l'autre, non pas haïr ne grever, et qui autrement le fait, il est homecide et se dampne, si comme dit l'escripture. Tel dit souvent sa patrenostre, li qui miex li vendroit que il se teust, car il esmuet son juge contre soi. En ceste priere que nous faisons a Dieu nous requerons un don du Saint Esperit qui

est appele le don de science, qui fait homme penser es sciences, tel esperit quel il est et dont il vient et ou il va et ce que il faite et que il a mefiait et combien il a acreu. Et quant il voit que il n'a de quoi finer, adonc le fait cil esperit plourer et poupirer et merci crier et dire, "Sire, pardonne moi mes debtes. Ce sont mes pechiez, car je sui moult en debte vers vous pour les maus que je si fais et pour les biens que j'ai lessié a faire que je peusse et deusse avoir fais, et tres grans bontez que j'ai tous jours recues, dont j'ai mauvesement usé et t'en ai mauvesement servi, et pour ce j'e n'ai dont faire paiement. "Pardonne moi ce que je te doi." Quant cel esperit l'a si enluminé que il cognoist ses defautes, lors li fait geter hors du cuer toute hayne et toute rancune et tout pardonner son mauditent. Se il en a ne pou ne grant et se il n'en a, il est en volente et en propos de cuer de pardonner. Se l'en li meffaisoit, adonc puet cil dire, "biau douz pere, pardonne nous nos mesfais aussi comme nous faisons a ceuls qui nous ont meffait."

Comment l'En Espont Et Ne Nos

Inducas in Temptacionem

Et ne nos inducas in temptationem. Eschaudez yae chaude crient, et cil qui est aucune foiz cheuz en pechie, quant ses pechiez li sont pardonnez, il est plus humains et plus cremeteus et plus a grant doleur et plus a grant paour de la temptation. Pour ce prie cil ainsi a qui Diex a ses pechiez pardonnez que il le gart de temptation et dit ainsi: "et ne nos inducas in temptationem." Le dyable est le tempteur et c'est son mestier de quoi il sert en l'ostel de Dieu de esprouver les nouviaus chevaliers, et se la temptation ne fust bonne

There
was
a script
on the
film

que il n'a

et profitable a tous chevaliers de Dieu qui tout a fait pour nostre
 preu, ne souffrist ja qu'elle venist, mes si comme dit saint Bernart,
 quant cil tempteur nous martele sus le dos, il nous forge nos couronnes
 de gloire, aussi comme cil qui sus le dos au bon chevalier fier et
 frape li forge son los et sa gloire. Li dyables a ce proprement tempte
 homme que il le puist errachier de l'amour de Dieu. Pour ce prioit saint
 Pol a ses desciples que il fussent fermes comme une tour et enracinez
 comme un arbre en charité, si que nulle temptation ne les peust grever
 ne croller. Pour ce en cest peticion nous demandons l'aide de Dieu
 en cest bataille et le don de pitié. C'est une grace qui arrouse le
 cuer et le fait douz et piteus, et le fait raverdir et assez porter
 fruit pardehors et pardedenz fermer ses racines en la terre des vivans.
 C'est aussi comme le bon ciment dont l'en fait les murs aus Sarrazins
 que l'en ne puet desconfire ne a pié ne a pierre. Donc quant nous
 disons "et ne nos inducas in tempacionem", c'est a dire, "biau douz
 peres, tien fermes et estables que nous ne nous puissions mouvoir pour
 nulle temptation." Que il nous aveigne par la grace du don de pitié.
 Nous ne prions pas que nous ne soions temptez, car ce seroit fole
 requeste et honteuse, aussi comme se li fils a un preudomme qui seroit
 nouvial chevalier li disoit et priot, "biau pere, je vous pri que vous
 me deportez et gardez que je ne voise iames a poignais ne a tourment."
 Nous volons bien estre tempté, car c'est nostre profit en moult de
 manieres, car nous en sommes plus humbles et plus cremeteus et plus
 preuz et plus esprouvez. Car si comme dit Salomon, qui n'a este tempté
 il ne puet riens a droit savoir fors ainsi que l'en set la bataille de
 Troyes par oir dire, car il ne puet soi meisme cognoistre ne s'enfermete
 ne la force de ses anemis ne leur soutivete, ne comme Diex est loyal au

besoing pour son ami aidier, ne de quans pechiez il l'a souvent garde; et pour ce par toutes raysons il ne saura ja a droit Dieu amer, ne li regracier de ses biens qui n'a este temptez, mes nous li prions que il n'entrent en la temptation. C'est que il ne s'i consentent. Car quant est de nous, nous sommes si povres et si frelles que nous ne perrions pas une heure de jour soustenir les assaus au dyable sanz l'aide de nostre seigneur, et quant il nous assaut, nous y entrons, et quant il nous aide, nous arrestons, et nous combattons et le vainquons; et pour ce disons nous "Biau douz pere, ne nous maine pas en la temptation."

Comment l'En Espont Sed Libera Nos a Malo. Amen.

Sed libera nos a malo amen. Saint Augustin dit que les autres nous font ou les maus faire ou les autres vices lessier a faire, mes quel bien que l'en ait bien fait et tous les biens que l'en a conquis orgueil bee a destruire et a telir, et pour ce quant il a donne a home ce que il puet tolir en ces sept peticions devant dites, adone primes est mestier a certes qu'il delivre du dyable et de ses agais, et pour ce vient au derrenier. Ceste peticion comme l'arrier garde qui dit ainsi "sed libera nos a malo," c'est a dire, "biau douz pere, delivre nous du mauves. C'est du dyable et de ses engins, que nous ne perdons par orgueil les biens que tu nous as donnez. "En ceste peticion nous li prions que il nous doinst le don de sainte paour, ^{PAR} quoi nous soions delivré du mauves et de tout autre mal; c'est de tout peril et de tout pechié en cest siecle et en l'autre. Amen.

Ore as tu oy les notes que l'en doit noter sus ceste changonnette que Diex fist. C'est la patrenostre. Ore garde que tu les saches bien noter et bien chanter en ton cuer, car grant bien t'en vendra se ainsi le fais.

Ci finent les sept peticions de la patrenostre et commencent
les sept dons du Saint Esperit.

Aprés les sept peticions de la patrenostre, nous convient parler
grant reverence de si tres haute matiere comme des sept dons du Saint
Esperit, si comme il meisme le nous enseignera et dirons premierement
quel sont ces sept dons et pour quoi il sont dit dons du Saint Esperit;
apres pour quoi il sont sept, ne plus, ne mainz, et apres des biens que
il nous font.

Coustume est et courtoisie que haut homme riche et vaillant et
plain de grant poissance et tres noble quant il vient a s'espouse que
il aime et tout son cuer que il li porte de ses joiaus. Le prophete
Ysaie vit en esperit ces gloreiuses notes qui furent faites ou ventre
a la glorieuse Vierge Marie. Quant li fils Dieu prist et espousa
nostre suer, ce est, nostre char, nostre humanite, nostre nature, si
nous raconte les joiaus et les biaus dons que il aporte avecques soi
pour donner a s'espouse; et dit ainsi le bon prophete moult coutoise-
ment de la racine Jesse naistrera la vierge qui portera la fleur de
Nazareth; c'est a dire, la tres grant charité du tres grant brasier
de l'amour de Dieu. Il nous vendra, dit il, une vierge qui portera
la fleur de Nazareth, c'est a dire, la fleur des fleurs, car Nazareth
si vaut autant comme fleur, et Jesse vautautant comme baisier, et sus
ceste fleur se reposera le Saint Esperit, li esperis de sapience et
d'entendement, li esperis de science et de pitie, li esperis de la paour
de Dieu. Ce sont les graces dont il fu trestout planz des lors que
il fu conceuz ou ventre de sa tres bonne mere. Aussi comme la grant
mer de toutes yaues douces et salees dont il arouse tout le monde,
ainsi fu il, ce dit saint Jehan, si tres plains de graces et de vertus
que de la plente nous prenons. Tous ces sept esperis et ces sept dons
nous recevons tous ou saint baptesme, mes aussi comme les graces corporeles

que Diex donne a l'enfant en senz, en bonté, et en force, et es autres graces que il donne a son plesir a chascun se moustrent petit et petit si comme li enfes croist et vient avant, aussi est il en ses graces espiritueles; selonc ce que chascun veut profiter en bien et appareille son cuer et le donne a Dieu, selonc ce li donne Diex plus de grace; et si se moustrent ces dons par oevre li uns a l'un et li autres a l'autre, ainsi comme il plest au Saint Esperit qui les depart a son plesir, aussi comme dit saint Pol. Dont nous commencent ces graces comme les verrus en bas et montent en haut; c'est de paour jusques en sapience, et paour est commencement de sapience. Ce dit David, mes en Dieu furent toutes les graces et toutes les vertus tous jours tres plenierement sanz nulle measure, et pour ce les met li prophetes en descendant chascune selonc son ordre et sa dignité, aussi comme les sept peticions sont mises par devant selonc l'ordre de leur dignité, les plus hautes avant et les plus basses après.

Pour Quoi le Graces Ont Non Don

Les graces ont a non dons par trois reson. Premierement pour leur dignité et leur value. Se l'en donne a la court le roy a un enfant une robe ou une plaine escuele de pois, ce n'est pas chose que l'en doie appeler don de roy. Pour ce appelle saint Jaque tous les autres biens que Diex donne, temporels et espirituels, non pas dons mes donnez, qui sont muans et trespassans; mes ces graces il appelle dons, pour ce que les autres biens il nous preste pour user en ceste mortel vie, mes ce sont dons a droit sanz reprendre et sanz perdre, car quant les autres faudront, cens nous demourront. Dont il sont si proprement nostre que nous ne les poons perdre maugré nostre, mes nous poons les autres perdre. La tierce reson et la principal

est que il sont donné purement par amour, et vous savez bien que le don pert le non de don quant il n'est donne purement par amour, car quant le donneur a regart a son propre don, ce n'est pas don; ainz est marchandise. Car se il regarde bonté recue ou service, ce n'est pas don; ainz est debte rendue. Mes quant muet purement et proprement de la fontaine d'amour sanz preu, sanz paour, et sanz debte, nulle lors est il appelez don. Li phylophes dit que don est donnoison sanz redon. C'est sanz attendre guerredon, mes sanz plus pour acquerre amour. En tele maniere donna Diex les dons purement pour l'amour que il a en nous et pour acquerre nos cuers et nos amours, et pour ceste reson proprement sont il appélé dons.

Pour Quoi Il Sont Apelé Dons

Mes pour quoi il sont appélé don du Saint Esperit plus que don du Pere et du Fils, car tous leurs dons sont communs a ce a deux reson; l'une pour ce, car aussi comme les oevres de puissance appartient au pere et sont aproprices a lui et les oevres de sapience au fils, aussi sont les oevres de bonté au Saint Esperit; car bonté, si comme dit saint Denys, est espadre soi meismes, que se un home donne ce que riens ne li couste, ce n'est mie grant bonté, mes pour ce que li Sains Esperis par ces sept dons espant soi meismes en nos cuers, si comme dit saint Pol, aussi comme par sept ruissiaus; pour ce sont il proprement apelé don du Saint Esperit, car il est la fontene, et il sont les ruissiaus. L'autre reson est pour ce que le Saint Esperit est proprement l'amour qui est entre le pere et le fils, et pour ce que amour est le propre et le premier et le principal don que l'en puisse donner. Qui a droit donne ceste amour, et qui auroit tous les autres sans ceste, si n'est nul autre don a droit a parler; pour ce le

Saint Esperit principaument est don et donneur, car il se donne et est donnez en chascun de ces sept dons que il donne pour confermer nostre amour a la seue, si que elle soit fort et ferme et vraie et nete.

Pour Quoy l'En Doit le Bien Fere et le Mal Lessier

Pour deux choses est l'omme sauf pour fuir le mal et faire le bien, et le mal eschiever et haír nous fait le don de paour. Les autres six nous font le bien faire. Li dous de paour est li huissiers a la grant mace; c'est a dire, a la grant maçue de la sentence Dieu et de la paour d'enfer que il a tous jours presté et levee. C'est la guete du chastel qui onques ne dort; c'est le sancleur du jardin qui estrepe toutes males herbes; c'est le tresorier qui garde le cuer et tous les biens que il a dedens. Les autres six dous nous font les biens faire. Or doiz tu savoir que aussi comme la clarté du soleil toutes les choses qui croissent et vivent au monde, aussi fet le Saint Esperit, qui en ciel et en terre enluminent tous ceuls qui sont en grace, hommes et anges; et tout aussi comme il a ou ciel trois estas de anges, dont li uns est plus haut et li autres moiens et le tiers plus bas, si comme dit saint Denys. Los haus sont aussi comme cil qui sont du conseil le roy. Ceus sont tous jours avec Dieu et plus que les autres, et voient et oient et li et secrez. Les moiens sont aussi comme les bailliz et les barons qui gardent et gouvernent le roiaume et vont et mainment et apprennent²⁸ de ceuls du conseil, et qu'il commandent et font fere aus autres. Les plus bas sont aussi comme officiaus et les serjans qui ont les mestiers et font les mesages et les offices, si

comme l'en leur dit en tele maniere, et en tele example a il trois
 estaz des fils Dieu en terre que li Sainz Esperiz maine et conduit,
 si comme saint Pol dit; li uns des estaz est de ceuls qui ou monde sont
 et vivent selon les commandemens Dieu, et selon ce que il oient et
 croient de leur prelaz. Li autres estas est des parfez qui dou tout
 ont leur cuers hors du monde, de qui voient Dieu tant comme l'en
 puet fere en ceste vie, et ont leur conversacion ou ciel et les cors
 en terre, et le cuer a Dieu. Les tiers sont en l'estat moien, qui
 gouvernent bien, et euls et autrui, et vivent selonc les commandemens
 de l'Evangille. Ces trois manieres de gent enseigne le Saint Esperit
 et meine et gouverne par ces sept dons et leur depart ses graces a
 chacun selon sa volenté, si comme dit li apostres. Les deux premiers
 de ces sept dons apartiennent a ceuls qui sont du premier estat.
 Le don de conseil les gouverne, et le don de force les besoignes.
 Les derreniers apartiennent a ceuls de plus haut estat. Le don
 d'entendement les enlumine, et le don de sapience les parfet et com-
 ferme et joint avec Dieu. Une autre raison y a pour quoy il sont
 sept, car li Saint Esperit par ces sept dons estrepe les sept vices
 des cuers, et li plante et nourist les sept vertuz qui font homme bene-
 uré. Ce sont les biens que li Sains Esperis fet es cuers, ou il
 descent par ces sept dons; mes avant que il descende as vertuz qui
 sont contraires a sept pechiez mortier, je vous vueil moustrer
 briefirient les sept autres vertus, donc les quatre sont apelees
 cardinax. Les premieres apele saint Pol foy, esperance, et charité,
 et sont apelees devines pour ce qu'elles ordenent le cuer a Dieu.
 Foy, ce dit sain Augustin, nous met desous Dieu et le nous fet con-
 noistre a seigneur de qui nous tenons quanque nous avons de bien.

Esperance, ce dit, nous eslieve a Dieu et nous fet fors et hardiz a enprendre pour li ce qui passe vertu donné. Charité, ce dit, n'est autre chose que chiere vuite, et ele fet du cuer et de Dieu tout un; ce dit saint Pol. Foi regarde en Dieu souveraine charité, esperance, souveraine hautesce, et souverains charite, et souveraine bonte. Ces trois vertuz sont devisees par trois vertus d'amour, car pour trois choses l'en ainme un homme: pour ce que l'en a eu grant biens de li, ou pource que l'en atent grans biens de li, ou pour ce que l'en a recu de li grant biens. Ces trois manieres d'amour sont en ces trois vertuz: amour de foy ot et oevre, amour d'esperance sent douleur cort, amour de charite prent et boit et gouste et tient.

Des Quatre Vertuz Cardinax

Des quatre vertus cardinaux parlerent moult les anciens philosophes, mes le Saint Esperit les donne et enseigne miex cent tans, comme dit Salemon ou livre de sapience. Ces quatre vertuz sont apelees cardinax, donc la premiere a non prudence; la seconde, atrempance; la tierce, force la quarte, justice. Ces quatre vertuz sont apelees cardinax, car eles sont les premieres entre les vertuz donc les anciens philosophes parlerent. Par ces quatre vertuz l'omme gouverne toute sainte eglise par ces cardinax. Prudence garde l'omme que il ne soit par nul engin de venim deceu; atrempance, que il ne soit par ire ou par poor vaincu. Ces trois retiennent homme en bon port, en droit foy. Justice le met en ordre et en droit as seus et en droit estat vers autrui, car ele²⁹ rent a chascun ce qui sien est. Ce sont les murs es angles de la meson au preudome qui le font sanz et fortz. Prudence le garde devers orient par pourveance

29 Ms. repeats "ele".

entre les perils; atremprance, devers midi contre les mauveses chaleurs; force, devers galerne contre les mauveses³⁰ froidures; justice, devers occident contre les mauveses pluies.

De la Vertu de Prudence

Ces quatre vertus ont divers offices, et moult se diversefient en leurs oevres, si comme dient cil ancien philosophie et especiaument Platon en son livre que il fist de ces quatre vertus; et les devise soutivement et dit que prudence a trois offices; car par ceste vertu quanques home fiat et dit il pense et ordenne et ruille a la ruille de reson, ne riens il ne veut faire fois que droit et reson, et en toutes ses oevres il le pourvoit que elles voisent selonc l'ordre et l'arbitre de Dieu, qui tout voit et juge. Tres grans sires seroit, ce me samble, qui ceste vertu auroit et par ces quatre se gouverneroit.

De la Vertu d'Atremprance

La vertu d'atremprance a trois offices, car cuer qui ceste vertu a ne veult ne ne couvoite choses, ne ne trespassse la fin de mesure, et dessous le jouel de reson il met et donte toutes les couvoitises du monde; ce est a dire, qui ceste vertu a il se garde que il ne soit corrumpus par ces trois choses qui le monde honnissent si comme dit saint Jehan: pechier de char, orgueil de vie, couvoitise du siecle. La vertu de attemprance est l'amour du cuer, par quoi il sueffre vigureusement toutes les choses qui avenir il pueent pour celui que il aime, c'est Dieu, et par tant met toutes choses souz pie. C'est que atemprance et justice met homme en son droit estat et souz Dieu et sus toutes choses.

30 Ms. repeats "contre les mauveses".

De la Vertu de Force

La vertu de force a aussi trois offices, car cuer qui ceste vertu a, il s'eslieve en haut dessus les perils du monde. Riens il ne doute fors vilanie, adversité, et prosperité. Il porte et sueffre sanz ploier a destre et a senestre. Moult seroit bon chevalier qui en ces trois choses seroit bien esprouvez. Ces trois vertus arment homme quant aus trois parties du cuer que l'en appelle amour, reson, et vigueur. Prudence garde la reson que elle ne soit decue; atremprance, l'amour que ele ne soit corrompue. Force garde la vigueur que elle ne soit afebloiee ne vaincue.

De la Vertu de Justice

Justice fait l'omme ordeneement vivre entre les autres, car, si comme dit Platons, c'est la vertu qui fait que l'omme envers chascune personne fait ce que il doit, car elle rent reverence a ceuls qui sont dessus, amisté a ceuls qui sont de costé, grace a ceus qui sont dessouz. Par ces trois vertus est li homs dignes que il soit gouverneur premierement de soi et puis des autres. En ces trois vertus s'estudient les phylosophes qui tout le monde despisoient et gueroirent pour vertu acquerre et sapience. Pour ce estoient il appelez phylosophes, car phylosophe vaut autant comme amour de sapience. He Diex, comme vous devroit espoenter quant cil qui estoient paien et sanz loi escripte et qui riens ne savoient de la vraie grace de Dieu ne du Saint Esperit, et nequedent il monterent en la montaigne de perfection de vie a force et par leur propre vertu et ne deignoient vers le monde regarder, et nous qui sommes Crestiens et avons la vraie foy et savons les commandemens de Dieu et avons la grace du Saint Esperit, qui plus poons en un jour profiter que il ne peussent en un an entier; mes nous nous voutrons comme pourcias

si aval es boes de cest monde et peecshons avec les aves aus raines
 es palus de cest monde. Pour ce dit saint Pol que les paiens qui
 sont sanz loi nous jugeront qui avons la loy, mes pour ce que il n'avoient
 nulle vertu par vraie foy ne la Saint Esperit, pour ce nulle vraie
 vertu ne povoient avoir, combien que elles fussent beles; car autretant
 comme il a entre charbon vif et charbon mort, et homme vif et homme
 mort, autant a il entre vertu qui est sanz charité et vertu qui est en
 charité, qui est la bonté et la valeur qui seurmonte les autres vertus.

Dont saint Augustin dit ou il parle de ces quatre vertus. Et les devise
 en quatre manieres d'amour, et par quatre choses que vraie amour fait.

Dont il dit que la vertu de prudence est l'amour du cuer qui sagement
 refuse tout quanque li puet nuire, et eslit, quanque il puet aidier a
 avoir ce que il aime, c'est Dieu.

La vertu d'atemprance est l'amour du cuer, par quoi il sueffre
 viguereusement toutes les choses qui avenir li pueent pour celui que
 il aime, c'est Dieu et par tant met toutes choses souz pié. C'est
 que justice met homme en son droit estat et sous Dieu et sus toutes choses.

Sanz ces quatre choses nuls ne puet monter en la montaigne de perfection,
 car qui vrult si haut manter, il estuet tout au premier que il ait pru-
 dence, qui fait le monde despire, et force avoir, qui li donne grant
 cuer de emprendre grans choses et despire, et d'autre part que il ait
 atemprance pour ce que il ne soit trop chargiez, et justice avec qui
 le mainne par le droit sentier, et li moustre le chemin, comme fist
 Diex a Jacob et comme Diex fist le livre de sapince. Qui ces quatre
 vertus porroit ainsi avoir il seroit bien parfais et bonneurez en cest
 siecle, et plus en l'autre, car il seroit en pais de cuer et en joie
 espirituelle, ne riens ne li faudroit, mes abonderoit en Dieu que il auroit
 en soi, en qui il se deliteroit.

Ici Parlerons du Don de Paour

Qui Fait Douter Pechié

Or revendrons a nostre matiere, et prions de tout nostre cuer
 celui Saint Esperit qui enseigne les cuers, qui soit nostre avocas et
 nous enseigne a moustrarer comment il par ces sept dons estrepe les sept
 vices des cuers, et il plante et nourist les sept vertuz. Li dons de
 poors est la premiere des dons qui hors tout les pechiez du cuer,
 comme nous avons dit, mes proprement il estrepe le pechié d'orgeuil,
 et il plante en son lieu la vertu d'umilité. Or regarde et entent
 bien comment le pecheurs qui endort en son pechié mortel est aussi
 comme li ribaus yvre qui a tout perdu en la taverne et est si nulz et
 si povres que il n'a riens mes point, ne le sent ne point ne se plaint;
 ainz cuide estre moult grant sires. Mes quant il a dormi et il revient
 en soy, adonc sent il son mal et congnoist sa folie et plaint son domage.
 C'est li premiers biens que li Saint Esperiz fet au pecheurs quant il le
 visite, car il li rent son sens et sa memoire et le remaine a soy, si
 qu'il se congnoist et se reavetist quel biens il a perduz, et en quel
 povrete³¹ il est cheuz par son pechié, comme³¹ fist li fils au preudomme
 qui son heritage gaste et despendi par sa folie tant que il li courant
 pestre les porciaux, si comme nostre met l'esample en l'Evangille.
 Derechief li pecheur, si comme dit Salemon, est aussi comme cil qui
 dort en my la mer et la nef perist, et il ne le seit point ne n'a point
 de poor; mes quant li Sainz Esperit l'esveille, adonc sent il et voit
 son peril et commence a avoir pouur de soy meismes. Derecheif le
 pecheur est aussi comme cil qui est en la prison enfer et en bues et
 est bien gardé, comme fut saint Pere en la prison Herodes, et le chetif

³¹ Ms. repeats "comme".

ne pense ne du prevost qui le tient ne du gilet qui le tient, et dort et
 songe qui voist as festes et a noces; mes la grace du Sains Esperit est
 aussi comme qui esveilla saint Pierre et le delivre de la main Herode, quant
 il esveille le pecheur et le delivre de la main au dyable. Dechief le
 pecheur est aussi comme cil qui cuide estre fort et sain, et il a ja
 la mort desous ses dras, car il a les malveses humeurs et corrumpues
 dedens le cors. Donc il morra dedens un moys qui cuide encore vivre
 quarante ans. Si comme dit Helynas en vers de la mort: "ostez nos
 trufles et nos gas, car tel me couve sous ses dras qui bien cuide estre
 sain et fort." Mes le Saint Esperit et le dous mire qui li moustre
 sa maladie et li esmeut ses humeurs et li donne tel poison et si amere
 que il en garist et li rent la vie; einsi trouble noustre sires le cuer
 que il ne veult garir, si comme dit David ou sautier; et l'espante
 et le rameine a soy connoistre, comme il fist Adan, nostre premier
 pere, em pres le pechié quant il se reponnoit entre les arbres de
 Paradis. Donc il li dist: "Adan, ou es tu?" Trois autres choses fist
 il demander a l'abaisse Abrahan, qui avoit non Agar, quant ele fuioit
 Sadame: "ou es tu? ou vas tu?" Ces quatre demandes fet le Saint Esperit
 au pecheur quant il l'esveille et li oevre les yelz du cuer et li rent
 son sens et sa memoire. "Ou es tu, chetis? Regarde en quel peril tu
 es en cest siecle, car tu es aussi comme cil qui dort en la nef et point
 ne voit ne n'entent son peril; donc, viens tu; c'est a dire, regarde,
 chetis, ta vie deça en arriere, car tu viens de la taverne au dyable,
 ou tu as ta vie gastee et perdu ton tens et touz les biens que Diex
 t'avoit donnez. Que fes tu? C'est a dire con tu es frelles et floibles
 devers l'ame et devers le cors. Tu cuides estre sain et fort, mes
 par aventure tu as les humeurs ou cors qui te menront a la mort de
 enfer se la grace Dieu ne le requeut. Aprés, ou vas tu? C'est a dire,

pense ou tu vas ou tu charras es mains Herodes, c'est au dyable et a sa mesniece. C'est au jugement ou tu trouveras la justice si cruele et si destroite et si puissant. Tu vas en enfer ou tu troveras feu et souffre et mil trormens qui jamés ne fineront de toy tormenter." En si fet le Saint Esperit au pecheurs, les oilz ouvrir et regarder desus desous, devant derriere. Ce sont quatre cops de tonniere qui espoante le pecheurs et le font trembler, et ces quatre regarz sont les quatre ruissiaus de la racine d'umilité, que le don de paour plante ou cuer du pecheur quant li tres douz Diex le visite.

Ces quatre racines devant dites estrepent du jardin du cuer les quatres racines d'orgueil qui sont ou de ce que l'orgueilleus cuide que ce soit savoir, ou que ce soit avoir, ou que ce soit povoir. Ce sont les quatre racines, c'est a dire quatre couardises, qui honnissent de le pais que Diex moustra a Zacharie le prophete, mes les quatre que il nous moustra qui vindrent pour ces quatre pensees abatre, car quant li hons pense dont il vient, et il cognoist sa povreté, sa vilté, sa fragilité, de sa povre naissance, et de sa povre nature, comment il fu conceuz em pechié et si vil matire fez et formez, en si povre hostel herbergiez, en si tres grant povreté, et aincois mort en ame que au monde en quels pome il fu norriz, en quel labour il a vescu, comment il a son temps perdu; il note la grant masse de ces pechiez et les biens que il a lessiez a fere, adonc li fet la grace Dieu sentir du cuer que il ne vaut neent. Aprés quant il pense ou il est, et il voit cest monde qui n'est que un essil et aussi con un desert plains de lyons et de lieparz et de piges, et de laz; une mer plaine de tempeste forsenié embrasse de pechié, et d'angoisse; un champ de bataille ou il convient tous jours vivre en griété et en guerre, et combatre aus deables qui

tant sont sages et soultiz, lors li fait la grace Dieu sentir et acertes
apercevoir sa mescheance que il ne set veoir. Derechief quant il pensent
et entent ses pecchiez et ses defautes, con il est plain de mal et vuit
de tous biens, lors li donne li Sainz Esperiz sentir sa povreté, et que
il n'a riens. Aprés quant il voit devant soi quel part il va: il va a
la mort ou nuls ne peut conquerer, et il voit la justice Deiu si es-
troite qui mains il li estuet passer, et il voit les poines d'enfer que
nuls ne peut endurer, lors li donne Dieu sentir que paour d'omme est
neent et qu'il ne peut neent. Quant il voit donc et sent et entent
qu'il ne vaut neent et qu'il ne peut neent, lors commence il a devenir
pobre d'esperit. En ces pensees sont les quatre vertuz de l'arbre
d'umilité. Cil arbres est planté en coste la fontaine de la paour,
donc il est tout arouse et yver et esté ceste aversité et en prosperitez.
Or dois tu savoir que chancune des sept vertuz donc j'entent a paler
a sept degréz, par quoy ele montent et profitent et croist en haut.
C'est en cuer en ses ouvres et en ses meurs et par ou ele se moustre
au dessous, car ceste vertu croist en haut comme pommier ou cyprés
en cidres, et puis s'espant et gete ses branches toutes pars.

BIBLIOGRAPHY

Francis, W. Nelson. The Book of Vices and Virtues.
London: Early English Text Society, 1946.

Lajard, Felix. "Lorens," Histoire Litteraire de la France.
Paris: H. Welter, Ed., 1895.

Paris, Gaston. La Litterature au Moyen Age. Paris:
Librairie Hachette, 1909.